

Ammasumik ataatsimiinnermi oqaluuserisassat

- Imm 01 Oqaluuserisassat akuersissutigineri
- Imm 02 Siulittaasup nalunaarutaa

Aningaasaqarnermut tunngasut

- Imm. 03 Balance-t

Suliassat nalinginnaasut

- Imm. 04 Sunngiffimmi pisortap aggersarneqarnera
- Imm. 05 Qinnuteqaat ”Jappa”
- Imm. 06 Eqqagassat nalinginnaasut uloriarnartullu
- Imm. 07 Ukioq 2016/2017-imi tuttunniarnissamut umimmanniarnissamullu tusarniaaneq
- Imm. 08 Kangerlussuup ukiunik 75-inngortorsiornissaa

Paasissutissiissutit/Ilisimatitsissutit

- Imm. 09 Tamalaat

***Kangerlussuarmi nunaqarfimmi aqutsisut maajip 25-ni 2016 nal. 13.00
ataatsimiinneq.***

Ataatsimiinneq aallartippoq nal. 13:02

Peqataasut:

Siumut

Knud Olsen
Astrid Bro

Kattusseqatigiit

Nini Frydkjær Holstebro

Nalunaaruteqarlutik peqataanngitsut:

Nalunaaruteqaratik peqataanngitsut:

Imm 01 Oqaluuserisassat akuersissutigineri

Aalajangiineq

Oqaluuserisassat akuerineqarput

Imm. 02 Siulittaasup nalunaarutaa

1)

Siulittaasup eqqaavaa sakkutuut ulluni makkunani maani Kangerlussuarmi sungiusarneri pillugit piniartuniik saaffigineqarsimalluni. Saaffiginnissutiminni naammagittaalliiuutigisimavaat Tuttut piaqqiorfiata naligimmassuk, sungiusarfiusorlu tuttoqarfiummat. Siulittaasup akissutigisimavaa, sakkutuut sungiusarnerat kommunimiit akuersissummik pinatik namminersornerullutik oqartussaniit akuersissummik pisimasut.

2)

Qimmilivimmi Mittarfeqarfiit kommunemiit akilerneqartumik imermik qimmiutillit imermut tankiutillit immersortarpaat. Eqqaavaalu imermut tankit pigineqartut ipertunerujussui peqqutigalugit Mittarfeqarfinniit imermik pajunnissaq unitsinneqariaannaasoq. Siunnersuutigalugulu qimmiutillit immikkut tankeqanngikkaluarlutik, qeqqani tankimik angisuumik pilersitsisoqartariaqartoq tamarmik aallerfigisinnaasaannik. Tulliani ataatsimiinnermi taanna oqaluuserisassatut ilanngunneqassaaq.

3)

Siulittaasup ilisimatitsissutigivaa, umiarsuaq takornarianik ilaasulik siulleq ulloq 31. maj 2016 tikissammat, umiarsualivik piareersarneqarsimasoq.

Aaliangiineq:

Tusaatissatut tiguneqarput

Imm. 03 Balance-t

Maleruagassat tunngavissat:

Karseqarnikkut Qeqqata Kommunia-ta maleruagassaa.

Ilanngussaq: Balance maj 2016

Innersuussut:

Allaffeqarfup innersuussutigaa, ilaasortanit tusaatitut tiguneqassasut

Aalajangiineq:

Tusaatitut tiguneqarput

Imm. 04 Sunngiffimmi aqutsisup atorfia, atorfiullu suliassatut imarisai pillugit tusarniaaneq. Sunngiffimmi aqutsisoq aggersarneqarpoq.

J.nr.:

Tunuliaqutaq:

Nunaqarfimmi aqutsisut tamarmiullutik sunngiffimmi aqutsisoq Kuka Hoffmann aggersarpat nassuiaatinniarlugu suliai sunik imaqarnersut kiisalu inuiattut ullorsiornissatsinnut pilersaarutunik paasiniaavigerusullugu. Nunaqarfimmi aqutsisut siulittaasuata Knud Olsen-ip oqaluserisassaq akuersissutigivaa.

Pissutsit atuuttut:

Sunngiffimmi pisortap eqqaavaa sapaatip akunneranut 11 tiimit akissarsissutigisarlugit, annertuumilli pinaveersaartitsinermut suliati tigusaramigit tiimit amerlanerit atortarlugit. Nunaqarfimmi aqutsisumiit ikiorteqarnissaminik pisariaqartitsinersoq apeqqutigineqarpoq, tassungalu atatillugu Sunngiffimmi aqutsisoq kissaatitut eqqaavaa, nammineq suliassani nammassinnaalluaramigit, pinaveersaartitsinermi siunnersortimik ullulluunniit affaanik sulisinnaasumik atorfinitsitsisoqarsinnaanera misissuiffigineqarsinnaanersoq, ilisimagamiummi allaffimmi inunnik isumaginninnermik siunnersortitut sulisoq, suliassaanut pinaveersaartitsisutut aamma suliqaartussaasoq. Taassumali isumaginninnermi suliaminik ulapputeqaqimmat pinaveersaartitsinermut suliassat piffissaqarfiguaannangikkai, taamaasilluni nammineq ikiuuttarsimagaluarluni akissarsiaqaatiginerli ajoramigit, kissaatigigaluarlugu Qeqqata Kommuniani nunaqarfiit ilaat immikkut pinaveersaartitsinermut siunnersorteqarmata, Kangerlussuaq innuttai 500-it sinneqarmata pissusissamisoortutut isigalugu atorfinitsisoqassappat, aammalu eqqaallugu innuttaasunik atsiortitsinissani piareersimaffigalugu.

Ilanngullugu inuiattut ullorsiornissamut kusanarluinnartunik pilersaarutiminik saqqummiivoq, tassani kulturerput kiisalu ukioq 2016 meeqqanut ukioritinneqartoq aallaavigalugit. Ullup ingerlanissaanut pilersaarut naammassippat tunniussaqaarniarpoq.

Innersuussut

Allaffeqarfiup innersuussutigaa, Nunaqarfimmi aqutsisut misissugassat assigiinngitsut misissoqqaalaariarlugit, kommunalbestyrelse-mut pinaveersaartitsinermut atorfik pillugu innersuummik allakkanik nassitsisoqassasoq

Aalajangiineq:

Aalajangiiffigineqanngilaq, tullissaanilu ataatsimiinnermi eqqartorneqaqqissalluni.

Imm. 05 Isiginnaartitsissummut “Jappa”-mut qinnuteqaat

J.nr.:

Tunuliaqutaq:

Pitsaaliuinermi siunnersortip aamma sunngiffimmi pisortap isiginnaartitsissummut “Jappa”-mut aningaasanik tapiinissamut allakkatigut qinnuteqaataat tunniunneqarpoq kr. 18.850,00 –imik nalilik. Nunaqarfimmi aqutsisut siulittaasuata Knud Olsen-ip oqaluuserisassatut akuersissutigivaa.

Pissutsit atuuttut:

Ukiup ingerlanerani meeqqanut aliikkutassat qinnutigineqarsimasut, aningaasatigullu tapernissaanut akuerineqareersimasut naammagigallarneqarput, naluneqanngimmallu meeqqat 2016 ukiorinerannut Sunngiffimmi pisortaq assigiinngitsutigut pilersaaruteqartoq.

Aalajangiineq

Qinnuteqaat itigartinneqarpoq

Imm. 06 Eqqagassat naligninnaasut ulorianartullu.

J.nr.:

Tunuliaqutaq:

Nunaqarfimmi aqutsisuni ilaasortamit Nini Holstebro Frydekjær-imit oqaluuserisassanngortitaq: Kangerlussuarmi assigiinngitsuni marlunni (pisiniarfiup eqqaani, kiisalu Ani Butik-ikup eqqaani) containerit assigiinngitsut pingasut ilineqarnikuupput, igalaaminernut, qillertuusanut, pingajuallu eqqagassanut ulorianarnerusunut eqqaavik (batterit, maskinat mikinerit, pærikut assigisaallu). Oqaluuserisassaq nunaqarfimmi aqutsisut siulittaasuaniit Knud Olsen-imit akuersissutigineqarpoq.

Pissutsit atuuttut:

Kangerlussuarmi eqqagassat naligninnaasut ulorianartullu pillugit allaffimmi Teknikkeqarnermut sulisoq Fritz Baumann Petersen aggersarneqarpoq, illoqarfiup iluani containerit Kommune-miit ilineqarnikut pillugit paasiniaavigineqarluni, taakkulu kikkunnit imaarneqartarnissaat akisussaaffigineqarnersoq. Fritz annikitsumik nassuiaavoq, tassaq eqqaaveqarneq maani Kangerlussuarmi Namminersornerlutik Oqartussat akisussaaffigigaat, containerillu taakku ilineqarsimasut isumaqatigiinnikkut suleqatigiinnikkullu pilersinneqarsimasut. Imaartinnissaat pillugit Mittarfeqarfiit akisussaasuunerarpaa, Kommune-li suleqataanermigut atatillugu batterit katersorneqarsimasut qallunaat nunaannut Kommune-p akiligaannik nassiunneqartarnerarpai. Eqqagassalli sinneri Mittarfeqarfiup akisussaaffigigaat.

Innersuussut

Teknikerip nammineerluni siunnersuutigimmagu Mittarfeqarfimmiut nammineerluni imaarneqarnissaannut tuaviusaarummik allaffigeqqinniarlugit, allaffeqarfimmiit tamanna innersuunneqarpoq.

Aalajangiineq

Aalajangiiffigineqanngilaq, tullissaanilu ataatsimiinnermi eqqartorneqaqqissalluni.

Imm. 07 Tusarniaaneq

J.nr.:

Tunuliaqutaq:

Sisimiuni Qeqqata Kommunianit aalisarnermut piniarnermullu siunnersortimiit Otto Berthelsen, e-mailikkut Ukioq 2016/2017-imi tuttunniarnissamut umimmanniarnissamullu Nunaqarfimmi Aqutsisunut tusarniaasoqarpoq. Oqaluuserisassaq Nunaqarfimmi aqutsisut siulittaasuata Knud Olsen-ip akuersissutigivaa.

Pissutsit atuuttut:

Allakkat Namminersorerullutik oqartussaniit Qeqqata Kommuniani piniarnermut aalisarnermullu nakkutilliisoq Otto Berthelsen-imiit ukioq 2016/2017-imi tuttunniarnissamut umimmanniarnissamullu tusarniaanermut tunngasut eqqartorneqarput.

Innersuussut

Allaffimmiit innersuussutigineqarpoq allakkiaat Otto Berthelsen-koorlugit namminersorerullutillu oqartussanut ingerlatinneqartussanngussasut.

Aalajangiineq

Immikkoortut pingasut tusarniaanermi oqaaseqarfigineqassasut aaliangiisoqarpoq, allakkiorqarlunilu.

Imm. 08 Kangerlussuaq 75 år

J.nr.:

Tunuliaqutaq:

Nunaqarfimmi aqutsisuni ilaasortaasut pingasuullutik ukioq 2016 oktober-imi Kangerlussuaq 75-inik ukioqalernissaanut atatillugu Nunaqarfimmi Aqutsisut Sisimiunut aqutsisoqarfimmut allakkatigut apeqquteqarnikuusimapput, arlaatigut nalliuttorsiutigineqarnissaanut pilersaartoqarnersoq. Siulittaasup Knud Olsen-ip oqaluuserisassanngornera akuersissutigivaa.

Pissutsit atuuttut:

Atorfillit pisortaata aammalu Kommunip pisortaanerata akissutigisai Nunaqarfimmi Aqutsisunut saqqummiunneqarput, tassanilu paasitinneqarlutik ukiut tallimakkaartumik nalliussisarneq akulikippallaarmat, kingullermilu ukiut 70-inngornerani nalliuttorsiutigineqarnikuummat Sisimiuniit pilersaaruteqanngitsoq, ilisimatitsippullu naliginnaasumik ukiut 25-ikkaarlugit nalliuttorsiutigineqartartut. Kommuunip pisortaanerata aamma ilanngullugu eqqaavaa Kangerlussuarmi namminneq aaqqissuusserusukkunik taamaaliorsinnaasut aammalu tassunga atatillugu konto 18 atorreqarsinnaasoq.

Aalajangiineq

Ataatsimiinnissamut tullermut oqaluuserisassanngortinneqarpoq

Imm. 09 Tamalaat

- 1) Allaffimmiit Nunaqarfimmi Aqutsisut illuliat nutaat pingasut nappaanersiorneqarnissaanut ulloq 27. maj nal. 15:00 qaaqquneqartut ilisimatippai.
- 2) Allaffimmi ilinniartuq Mariane Nielsen Lyberth ilinniarnini naammassilermagu, Nunaqarfimmit Aqutsisut ilisimatinneqarput ulloq 27. juni receptionertitsisoqassasoq.
- 3) Kangerlussuarmi meeqqeriviup sulisutigut qanoq ingerlanersoq apeqputigineqarpoq, annerusumilli paasissutissaqartoqanngilaq
- 4) Siulittaasoq sulingiffeqarnissani nalunaarutigivaa ulluni ukunani: 20. juni – 10. juli tikillugu, piffissaq annersaa maani Kangerlussuarmiissaneraluarluni, Sisimiuliartussaanini pillugu tulliani ataatsimiiffissaq: 29. juni kinguartikkusullugu kissaateqarpoq, tamannalu ilaasortanit akuerineqarpoq, taamaasilluni tullissaani ataatsimiittoqassalluni: 27. juli 2016 nal. 13:00
- 5) Allaffimmi pisortassarsiornissaq killilerneqarsimavoq 7. juni 2016, Nunaqarfimmilu Aqutsisut allaffimmiit ilisimatinneqarput maani Kangerlussuarmi najugaqareertumik qinnuteqartoqariataanngippat, siusinnerpaamik aatsaat juli/august-imi inuttalenissaa naatsorsuutigineqassasoq. Inuttalernissaata tungaanut suleqatigiilluarnikkut allaffik ajunngilluinnartumik ingerlasoq aamma eqqaaneqarpoq.

Ataatsimiinneq naammassivoq nal. 15:54